


TEZĂUR LITURGIC

SÂMBĂTA A VI-A DIN POST

ACATISTUL ÎNVIERII SF. LAZĂR



MOSCOVA, 2000



Акафист

Лазареву воскрешению

Конда́к 1

Возбра́нный Воево́до и а́да Победите́лю, Ты́, я́ко имѣя́й побѣду́ надъ смѣртию, Ла́заря Четверодне́внаго из мѣртвыхъ воздви́гл еси́, и все́м ра́дость, свѣ́т и воскресе́ние яви́л еси́; мы́ же недосто́йнии Твоему́ насъ ра́ди снисхожде́нию благодарѣ́ние принося́ще, от души́ вопие́м Тебе́: Иису́се, Ла́заря прѣ́жде Твоея́ стра́сти из мѣртвыхъ воздви́гнувый, яви́ намъ Своѣ́ Воскресе́ние.

И́кос 1

А́нгельския́ си́лы в ра́достный трѣ́пет приидо́ша, зря́ Твое́, Сладча́йший Иису́се, в Вифа́нию прише́ствие, иде́же Ты́, не имѣя́й гдѣ́ главу́ подклони́ти и зло́бою иуде́йскою вездѣ́ гонимый, всегда́ обрета́л еси́ по трудѣ́хъ благове́стия поко́й душе́вный, ми́р, любо́вь и ти́шину у дру́га Твоего́ Ла́заря, его́же и Са́м до конца́ возлюби́л еси́ с се́страми его́ Ма́рфою и Мари́ею, я́ко ти́и всегда́ с ве́рою и любо́вию

сłużаху Тебѣ, слѹшающе при ногѹ Твоею Слово Твое. Таковое человеколюбное снисхождѣние Твое воспоминающе, со умиленіем сердечным вопиѣм Тебѣ: Иисусе, Любы́ Предвѣчная, до любви́ к человеку до конца́ низшѣдый. Иисусе, Милосте́ Безмѣрная, Лазаря́ с сестры́ его́ в любовь Свою́ прия́вый. Иисусе, благословѣнный дом Лазаря́ во днѣх плоти́ Своея́ с любовью́ посещавый. Иисусе, Божественнымъ Слово́м Твои́м любя́щая Тя́ ду́ши тамо́ в сладость, мно́го насыща́вый. Иисусе, Вифа́нию, оте́чество Лазаря́, ме́стом поко́я Твоего́ избра́вый. Иисусе, ве́лия дела́ си́лы и любви́ тамо́ пре́жде Креста́ Твоего́ яви́вый. Иисусе, Лазаря́ пре́жде Твоея́ стра́сти из ме́ртвых воздви́гнувый, яви́ нам Своѣ́ Воскресе́ние.

Конда́к 2

Ви́дяще сестры́ праведнаго Лазаря́ Ма́рфа и Ма́рія, я́ко бра́т их лю́тою болѣзнию́ зело́ стра́ждет, не преда́шася уны́нию, не впадо́ша в отча́яние, но к Тебѣ́, Го́споди, Целите́лю неду́гов, со упова́нием посла́сте, с ве́рою глаго́люще: “Го́споди, се́ его́же люби́ши, боли́т”. Сему́ послѣ́дующе, и мы́ во вся́ком обстоя́нии да не

предадимся унынію, но с упованіем да вопиём Тебѣ: Аллилуіа.

И́кос 2

Разум чѣст имѣша ученицы Твои, Господи, обаче не разумѣша, почто́ а́бие не шѣл еси́ в Вифанію к другу Твоему́ Лазарю исцелѣти его́, егда́ прия́л еси́ вѣсть о лю́тем недѹзе его́, но ре́кл еси́ прише́дшим от Ма́рфы и Ма́рии: “сія́ болѣзнь не́сть к смѣрти, но к сла́ве Бо́жией, да просла́вится Сы́н Бо́жий ея́ ра́ди”. Мы́ же ны́не ве́дуще, я́ко хоте́л еси́ сокровѣ́нную глѹбину́ вѣры и любѣ́ их я́вити, и бо́льшее чу́до пред страда́ниями Свои́ми соверши́ти, с любѣ́вию зове́м: Иисѹ́се, любѣ́ по́лный, любя́щия Тя сердца́ святы́х сестѣ́р Лазаре́вых испытѹ́яй. Иисѹ́се Всеблагі́й, болѣзнію бра́тнею к ча́янію ве́лія Сла́вы Бо́жия те́х обра́щай. Иисѹ́се, ве́лий в чудесе́х Свои́х, хотя́й над Лазаре́м все́му мі́ру Сла́ву Свою́ я́вити. Иисѹ́се, Дѣ́вный в сове́тах Свои́х, положи́вый в Вифа́нии ве́лічия Своя́ соверши́ти. Иисѹ́се, смѣрти не сотвори́вый, скорбя́щим сестра́м Лазаре́вым не боя́ться смѣрти бра́та повеле́вый. Иисѹ́се, к смѣрти во́лею гряды́й, сомня́щымся учени́ком побѣ́ду над смѣ́ртію я́вити восхоте́вый. Иисѹ́се, Лазаря́

пре́жде Твоея́ стра́сти из ме́ртвых
воздвигну́вый, яви́ нам Своё Воскресе́ние.

Конда́к 3

Си́лою Божества́ Твоего́ ве́дуще, я́ко належи́т
Ти́ пре́жде Креста́ Твоего́, Всеблагий Го́споди,
яви́ти над Ла́зарем си́лу Свою́, да су́щии с Тобо́ю
ученицы́ не устраша́тся страда́ний Твои́х и
уразуме́ют из ме́ртвых Воскресе́ние Твое́. Сего́
ра́ди, услы́шав, я́ко боли́т Ла́зарь, дру́г Тво́й, не
поспешил еси́ исцелити его́, пребы́л на нёмже бе́
ме́сте два́ дни, да боголюби́выя се́стры его́ и
пред лице́м сме́рти брата́ своего́ пребу́дут ве́рою
и любви́ю горя́ще, пою́ще Тебе́: Аллилу́иа.

И́кос 3

Иму́ще предве́дение Божественное, Всеблагий
Го́споди, Ты́ ре́кл еси́ ученико́м Твои́м: “И́дем в
Иуде́ю па́ки”, и пото́м: “Ла́зарь дру́г наш у́спе, но
иду́, да возбу́жу его́”. Егда́ же ученицы́ не
разуме́ша, мня́ще, я́ко о успе́нии сна́ его́
глаго́леши, тогда́ необину́яся ре́кл еси́: “Ла́зарь
у́мре. И ра́дуюся ва́с ра́ди, да ве́руете, я́ко не бе́х
та́мо, но иде́м к нему́”. Тогда́ Фома́, ви́дев, я́ко
ученицы́ стра́х имут во Иуде́ю иди́ти, я́ко ны́не
уже́ иска́ху Иуде́и ка́мением побити́ Тя́, со

дерзновѣніем рече́ имъ: “идѣмъ и мы́, да умремъ с Нимъ”, навчающе и насъ безъ страха послѣдовати Тебѣ́ и воспѣвати́ тако: Иисусе́, друже́ Ла́заревъ, друга́ Твоего́ от смѣртнаго успѣ́нія возста́вити грядый. Иисусе́, Вифа́нии похва́ло, и вѣсь Ла́зареву ра́дость и воскресе́ние несый. Иисусе́, Любы́ Неизрече́нная, пла́чъ и рыда́ния сестѣ́р Ла́заревыхъ услы́шавый. Иисусе́, Мило́сте Безконѣ́чная, овча́ свое́ бездыха́нное оживи́ти изво́ливый. Иисусе́, с Ла́заремъ в Вифа́нии погребѣ́ннымъ, погребѣ́ мой лю́тыя прегреше́ния. Иисусе́, с Ма́рфиными и Мари́иными слеза́ми приими́ о гресе́хъ моихъ тяжка́я воздыха́ния. Иисусе́, Ла́заря прѣ́жде Твоея́ стра́сти из ме́ртвыхъ воздви́гнувый, яви́ намъ Своѣ́ Воскресе́ние.

Конда́к 4

Бу́рю вну́тър иму́ще помышле́ний сумни́тельныхъ, Ма́рфа и Мари́я горько пролива́ху слѣ́зы над гробомъ Ла́заря, помина́юще со ско́рбию обето́ваніе Твое́, я́ко болѣ́знь Ла́зарева не к смѣ́рти е́сть, но к сла́ве Бо́жией, зане́ ты́я лишѣ́ни уже́ бы́ша прѣ́жнія наде́жды, зря́ще брата́ своего́ во гробѣ́ пребыва́ние и те́ла его́ разруше́ние и смерде́ние. Ты́ же, Го́споди, об

о́ну страну́ Иорда́на ходя́ще, глаго́лал еси́ ученико́м Свои́м: Ра́дуются, дру́зи мои́, ва́с ра́ди, я́ко не бы́х та́мо, да уве́сте, я́ко вся́ могу́, Бо́г сый. И́дем у́бо оживи́ти его́, я́ко да сме́рть я́ве ощути́т сего́ побе́ду и соверше́нное разруше́ние, да воспоёте со все́ми ве́рными: Аллилу́иа.

И́кос 4

Слы́шав свята́я пра́ведная Ма́рфа, я́ко Ты́, Го́споди, в Вифа́нию гряде́ши, четы́ре дни́ Ла́зарю во гробе́ уже́ бы́вшу, изы́де во сре́тение Тебе́, Мари́и же до́ма сиде́вшей, и глаго́лаше Тебе́, утеше́ния и́щущи: “Го́споди, а́ще бы еси́ зде́ был, не бы́ бра́т мой у́мерл. Но и ны́не ве́м, я́ко ели́ка а́ще про́сиши у́ Бо́га, да́ст Тебе́ Бо́г”. Сию́ ве́ру ско́рбныя се́стры Ла́заревы в вели́цей печа́ли ея́ ви́девше, со умиле́нием в душі́ зове́м Тебе́: Иису́се, к четверо́днёвнóму мертвецу́ стопы́ Своя́ напра́вивый, посети́ и мене́ во гробе́ отча́яния су́щаго. Иису́се, в Вифа́нию прише́дый при́яти в лю́бовь Свою́ скорбя́щия сестры́, приими́ и мене́ заблудша́го. Иису́се, Ма́рфу многотру́дную бесе́дою Свое́ю утёшивый, утёши и мене́ о гресёх скорбя́щаго. Иису́се, Мари́ю с ча́янием до́ма сиде́вшую не забы́вый, не забуди́

и мене́ во уны́ние впа́дшаго. Иису́се, сме́рть, трепета́ти начина́ющую, прише́ствием в Вифа́нию устраши́вый, сме́рти ве́чной не преда́ждь мя. Иису́се, а́д го́рький топта́нием но́г Твои́х, к Вифа́нии гряду́щих, стра́ха испо́лненный, а́дских му́к изба́ви мя. Иису́се, Ла́заря пре́жде Твоея́ стра́сти из ме́ртвых воздви́гнувый, яви́ нам Своё Воскресе́ние.

Конда́к 5

Боготе́чной зве́зде́ но́щный мра́к разгона́ющей подо́бно бы́сть предрече́ние Твое́, Го́споди, егóже, я́ко Влады́ка живота́ и сме́рти, изре́кл еси́ Ма́рфе, глаго́лющи: “Воскресе́нет бра́т тво́й”. Она́ же, я́ко ещё́ немо́щная в ве́ре, коле́блющаяся ве́ровати, я́ко бра́т ея́ мо́жет ны́не по сло́ву Твоему́ из ме́ртвых возста́ти, глаго́ла Тебе́: “Ве́м, я́ко воскресе́нет в воскреше́ние, в послéдний де́нь”. Мы́ же недостóйнии Тебе́ Победите́лю сме́рти с ве́рою вопие́м: Аллилу́иа.

И́кос 5

Ви́дев, я́ко се́рдце свята́я Ма́рфы, печа́лию пораже́нное о сме́рти Ла́заря, не мо́жет ещё́ ве́ровати, я́ко и ны́не, Го́споди, Ты́ си́лен еси́ из ме́ртвых воскреси́ти егó, Ты́ ре́кл еси́ со

вла́стию, я́ко живо́том и сме́ртию повелева́яй, жела́ючи возбу́дѣти ю́ от тако́ваго малоду́шия: “А́з е́смь Воскресе́ние и Живо́т. Ве́руяй в Мя́, а́ще и у́мрет, жи́в бу́дет”. Мы́ же се́му́ Божество́нному обетова́нию вне́млюще, и живо́т ве́чный уллучи́ти хотя́ще, со упова́нием зове́м Ти́: Иису́се, прише́дый в Вифа́нию пропове́дати Воскресе́ние, воскреси́ мя́ во страстѣ́х всего́ истлѣ́вшаго. Иису́се, предвозвѣстивый Ма́рфе Ла́зареву воскреше́ние, воззови́ мя́ от мно́гих грехо́в возсмерде́вшаго. Иису́се, обновивый ве́ру Ма́рфы в Воскресе́ние, обнови́ ду́шу мою́ умерщвле́нную грехми́. Иису́се, призва́вый все́х нас упова́ти о умер́ших, просвети́ жи́знь на́шу омраче́нную страстьми́. Иису́се, живы́ми и ме́ртвыми облада́яй, не преда́ждь мя́ го́рькой сме́рти в преиспо́дней ве́чно мно́ю облада́ти. Иису́се, живо́т ве́чный на́м дарова́вый, пода́ждь ми́ насле́дие блаже́нное на небесе́х восприя́ти. Иису́се, Ла́заря пре́жде Твоея́ стра́сти из ме́ртвых воздви́гнувый, яви́ на́м свое́ Воскресе́ние.

Конда́к 6

Пропове́дница Твоего́, Христе́, Божества́ яви́ся свята́я Ма́рфа, во испове́дании своём

Петру́, Верховному́ Апосто́лу Твоему́, ра́вная: сия́ бо, егда́ вопроше́на бы́сть от Тебе́, е́млет ли ве́ру, я́ко вся́к ве́руяй в Тя́, а́ще и у́мрет, жи́в бу́дет, глаго́ла Тебе́: “Е́й, Го́споди, а́з ве́ровах, я́ко Ты еси́ Хри́сто́с, Сы́н Бо́жий, И́же в ми́р гряды́й”. Мы́ же се́му́ испове́данию с благоговéнием внемлю́ще, с ве́рою и любóвию вопи́ем Тебе́: Аллилу́иа.

И́кос 6

Воссия́ но́вый свéт ве́ры и наде́жды у святы́я пра́ведныя Мари́и, до́ма в ско́рби сидéвшей, егда́ при́иде к не́й сестра́ ея́ Ма́рфа и та́йно от прише́дших ко ея́ утеше́нию иуде́й возвести́ ей о Твое́м, Святы́й Го́споди, прише́ствии, глаго́люще: “Учи́тель прише́л е́сть и глаша́ет тя́”. Та́ же, слы́шавши сие́, возста́ и ско́ро прише́дше па́дше, поклони́ся Тебе́ и лобыза́юще пречи́стии но́зи Твои́ и утеше́ния и́щущи, глаго́лаше Тебе́ со слеза́ми: “Иису́се, живота́ Нача́льниче, а́ще бы́л бы еси́ зде́, не бы́ умерл мо́й бра́т”. Иису́се, сме́рти Разруши́телю, а́ще бы прише́л еси́ се́мо, не бы́ лежал Ла́зарь четверо́днёвны́й во грóбе. Иису́се, Уте́шителю До́брый, уте́ши в ско́рби су́щую ду́шу мою́. Иису́се, Учи́телю Благи́й, научи́ мя твори́ти во́лю Твою́. Иису́се,

Наставниче безнадежных, настави мя с надеждою и терпением нести крест мой. Иисусе, Прибежище сирых, даждь ми при ногу Твоею обрести в скорби моей покой Твой. Иисусе, Лазаря, прежде Твоея страсти из мертвых воздвигнувший, яви нам Свое Воскресение.

Кондак 7

Хотящей Марии излити при ногу Твоею вся чувства своя о Лазареве лишении и любовь к Тебе, Господи, Ты же увидев ю плачущуюся, и пришедшии с нею иудеи плачущия, огорчился еси духом и возмутился еси, человеческое показуя, и прослезился еси Сам, да и мы немощнии, в скорбех суще со дерзновением припадше к Тебе, изливаем в немощи из глубины души слезы своя, и со умилением вопием Тебе прослезившемуся о наших скорбех: Аллилуиа.

Икос 7

Новое и неизреченное снисхождение и человеколюбие крайнее явил еси, Сладчайший Иисусе, егда зря Мариины слезы, прослезился еси Сам. Иудеи же неции, видяще, яко о Лазаре плачеши, глаголаху: “Виждь, како любляше его”.

Друзіи же, в окаменѣнии ду́ш и серде́ц сѹще, не восхотѣша разуме́ти Божѣ́ственное сострада́ние Твое́ немо́щем на́шим, мня́ху само́му Тебе́ немо́щну бы́ти и глаго́лаху в Твое́ посмея́ние: “не можа́ше ли Сѣ́й, Отве́рзый о́чи слепо́му, сотвори́ти, да и сѣ́й не у́мрет”. Мы́ же прославля́я человеколю́бие Твое́, от ду́ш во́пием Тебе́: Иису́се, слѣ́зы о Ла́зарѣ с се́стры его́ источи́вый, стру́ями слѣ́зными очи́сти грехи́ мои́. Иису́се, Ма́рфины и Мари́ины слѣ́зы утоли́вый, пла́чем Свои́м утоли́ печа́ли моя́. Иису́се, трóсти сокруше́нныя не преломи́вый, богоздáнный хра́м ду́ш моя́ не сокруши́ во мнѣ́. Иису́се, льна́ куря́щаяся не угаси́вый, горя́щий свети́льник ве́ры и любве́ не погаси́ во мнѣ́. Иису́се долготерпели́вый, немо́щем на́шим да́же до конца́ спострада́вый, в немо́щи мое́й укрепи́ мя́. Иису́се человеколю́бый, да́же до возско́рбѣния за ны́ и до слѣ́з снизше́дый, ве́чнаго пла́ча исхити́ мя́. Иису́се, Ла́заря пре́жде Твое́я стра́сти из ме́ртвых воздви́гнувый, яви́ на́м Своё Воскресе́ние.

Конда́к 8

Стра́нно бе́ вопроша́ние Твое́, Христе́ Спа́се, егда́ все́м пла́чущим, Ты́ о Ла́зарѣ вопроша́л еси́:

“Гдѣ положи́те его́?”, занѣ, ꙗ́ко Бо́г вся ве́дый, Ты́ предре́кл еси́ сме́рть его́, ка́ко же ны́не, бе́здна сый ве́дения, не ве́си гдѣ погребѣ́н е́сть дру́г Тво́й? Оба́че ны́не вопроша́еши не неве́дый, уве́дети хотѣ́й, но ꙗ́ко челове́к, челове́чески глаго́ля, хотѣ́й скорбя́щия се́стры Ла́заря утѣ́шити и сего́ ра́ди гробъ его́ посети́ти. Таковое́ человеколю́бное снисхожде́ние Твое́ сла́вяще, поѣм Тебе́: Аллилу́иа.

И́кос 8

Ве́сь сый Любо́вь, Ве́сь сый желáние нáше, Го́споди Иису́се, Ты́, прише́д на гробъ Ла́зарев, па́ки претя́ в себѣ́ о жестосе́рдии та́мо бы́вших, повеле́л еси́ взѣ́ти ка́мень от гроба́, да возсмерде́нием сме́рти заградѣ́тся уста́ невер́ных. Ма́рфа же, па́ки явля́ющи не́мощь естества́ челове́ческаго, глаго́люще Тебе́: “Го́споди, уже́ смерди́т, четверо́днѣвен бо е́сть”. Оба́че Ты́ па́ки укрепил еси́ ю́ в малоду́шии ея́, глаго́люще: “не рѣх ли ти́, ꙗ́ко а́ще ве́руеши, у́зриши Сла́ву Бо́жию”. Ма́рия же, зря́ще ка́мень отвале́н от гроба́, в притре́петном ча́янии пребы́ваше, ве́ру в молча́нии соблюда́ющи, и то́чию в се́рдце глаго́люще: Иису́се, ко гробу́ дру́га Ла́заря прише́дый, очисти́ ум мой от

сумнѣний невѣрных. Иисусе, Славу Божію явити восхотѣвый, сохрани сердце мое от похотей скверных. Иисусе, камень от гроба Лазаря отвалити повелѣвый, отвали камень жестосердия от гроба души моея. Иисусе, глаголом уст Твоихъ вся силы ада устрашивый, не устраши мя явлениемъ обетованнаго Славы Твоея. Иисусе Кротчайший, крѣтко гробу Лазаря представый, крѣткою душею сподоби мя Твое пришествіе ощутити. Иисусе Сладчайший, мертвеца смердяща во гробѣ узрѣвый, смиреннымъ нравомъ подаждь ми Твою благодать лицезрѣти. Иисусе, Лазаря прѣжде Твоея страсти из мѣртвыхъ воздвигнувый, яви намъ Свое Воскресѣніе.

Кондак 9

Всѣ естество Ангельское смятѣся, егда Ты, Чудотворче Господи, являя Славу Свою, яко Единороднаго от Отца, предъ лицемъ множества народнаго хвалу воздалъ еси Небесному Отцу, глаголя: “Отче, благодарю Тя, яко услышалъ еси Мя”, и сія рѣк, гласомъ велиимъ воззвалъ еси: “Лазаре, гряди вонъ” и егда бездыханный повелѣніе Твое послушавъ, абие одушевленъ от смѣрти возста и изыде укроемъ рукама и ногама

обязан, да чудо сие зряще, вся колена небесных и земных и преисподних Тебе Победителю смерти преклонятся, вопиюще: Аллилуиа.

Икос 9

Витии богоглаголивии, аще и много глаголют, но не возмогут достойно прославити велие и страшное чудо Твое, Господи, егда Ты Лазаря Четверодневнаго от мертвых воздвигл еси, да Марфу и Марию, с нимиже и всех нас в вере и надежде Воскресения и безсмертия души утвердиши. Сего ради мнози от иудей к Марии пришедших, видевше, яже Ты сотвориш еси в Вифании, вероваша в Тя, яко в Сына Божия и радостно принесоша Тебе похвалы сицевыя: Иисусе, Лазаря мёртва Четверодневна воскресивый, и мене умерша страстьми воскреси. Иисусе, друга Твоего повоими связана разрешивый, и мене связана узами греха разреши. Иисусе, мертвеца смердяща от гроба свободивый, и мене из гроба отчаяния изведи. Иисусе, агнца любимаго от пропастей ада исхитивый, и мене от вечныя тмы кромешныя сохрани. Иисусе, повелением Живоноснаго гласа Твоего воздвигнувый смердящаго, и мене истлевшаго страстьми Слово Твоим оживи.

Иисусе, всесильною крепостию Твоею Лазаря Четверодневна возставивый, и мене общника тридневнаго Воскресения Твоего покажи. Иисусе, Лазаря, прежде Твоея страсти из мертвых воздвигнувый, яви нам Свое Воскресение.

Кондак 10

Спасти восхотел еси вся, Христэ Спасе, обаче, сынове тьмы, зряще умершаго Лазаря, гласом Твоим от тления возставша, не восхотеша в ожесточении сердец своих уверовати в Тя, и нецыи от них поидоша к первосвященником и фарисеем, и возвестиша им, яже Ты сотвори еси в Вифании. Мы же безумию их не вдающеся, но в общее Воскресение по обетованию Твоему верующе, Тебе, Живодавцу и Спасителю нашему велегласно вопиём: Аллилуиа.

Икос 10

Царю превечный, Иисусе! Стены каменные твердо быша первосвященницы иудейстии, егда услышавше, каковое страшное чудо сотвори еси в Вифании, совет восприяша на Тя, глаголюще: “Что сотворим, яко Человек Сей

мно́га зна́мения творі́т”. Еди́н же от ни́х, Каиа́фа, архиере́й сый́ ле́ту тому́, рече́, я́ко у́не е́сть, да Еди́н Чело́век у́мрет за лю́ди своя́, а не ве́сь язы́к поги́бнет. И от того́ у́бо дне́ совеща́ша, да уби́ют Тя́, Христа́ Своего́ и Влады́ку, вку́пе же и Ла́заря, я́ко мно́зи его́ ра́ди прихожда́ху от иуде́й и ве́роваху в Тя́. Сего́ ра́ди вопи́ем Ти́ си́це: Иису́се, Сы́не Бо́жий Безсме́ртный, Ла́заря ра́ди, я́ко а́гнец незло́бивый на закла́ние приугото́вленный. Иису́се, Спа́се на́ш, чело́веки суди́мый, от Каиа́фы за лю́ди умре́ти нево́лею предрече́нный. Иису́се, на беззако́нном собо́рище вку́пе с Ла́зарем на сме́рть осужде́нный, не осуди́ нас на суди́ще Твое́м. Иису́се, в ве́рной Вифа́нии, в домо́у Ла́заря печа́ль на ра́дость преложи́вый, помяни́ нас во Ца́рствии Твое́м. Иису́се, Креста́ предначина́ние в Вифа́нии соверши́вый, си́лою Креста́ Твоего́ сохрани́ нас. Иису́се, льсти́вых фарисе́ев чуде́сы свои́ми устраши́вый, воскресе́нием Ла́заря возвесели́ нас. Иису́се, Ла́заря пре́жде Стра́сти Твоея́ из ме́ртвых воздви́гнувый, яви́ на́м Своё Воскресе́ние.

Конда́к 11

Пѣ́ние всеуми́лённое да принесе́тъ Тебе́, Христе́ Спа́се на́ш, Вифа́ния ве́рная и Тобо́ю любима́я, я́ко в ра́дость Ты́ преложи́л еси́ печа́ль ея́, Ла́заря, воспита́ние ея́, из гроба́ воздви́зая, и да не се́тует, я́ко на ма́лое вре́мя Ты́ отше́л еси́ во Ефре́м нарица́емый градъ бли́з пусты́ни, иде́же ходи́л еси́ со учени́ки Свои́ми, первосвяще́нником за́поведь да́вшим, да и́мут Тя́. Мы́ же, удиви́ающеся Твоему́ о учени́цѣхъ предъ страда́нии Твои́ми попече́нию, поёмъ Тебе́: Аллилу́иа.

И́кос 11

Свѣ́тъ ве́лий и неизрече́нный осия́ Вифа́нию, егда́ прѣ́жде шести́ днѣй бы́тия Пасхи́ Ты́ па́ки прише́л еси́ в ве́сь сию́, Сладча́йший Иису́се, иде́же любя́щая Тя́ сотвори́ша Тебе́ пресла́вную ве́черю, Ла́зареву воскреше́ние с ра́достью и благода́рениемъ воспомина́юще. Бе́ же ту́ и Ла́зарь еди́н от возлежа́щих, Ма́рфа же с любóвию мно́гою па́ки служа́ше Тебе́, Мари́я же от избы́тка ра́дости, любве́ и благода́рения, прие́мше ли́тру ми́ра на́рда чи́ста многоце́нна, пома́за пречи́стии но́зи Твои́, и власы́ свои́ми отира́ше я́, и хра́мина испо́лнися вся́ от воні́

ма́сти благово́нныя. Мы́ же недосто́йнии, в
ра́дость о́ных блаже́нных собесе́дников Твои́х
прони́кнуты жела́юще, со умиле́нием мно́гим
вопи́ем Тебе́ такова́я: Иису́се, с мёртвецём
воскрёсшим раздели́вый трапёзу, да́ждь ми́
вы́ну наслажда́тися вёчныя Твоея́ вёчеры на
небеси́. Иису́се, Ла́заря по воскрешёнии его́
небе́сною ра́достью испо́лнивый, сподо́би мя́
небе́сныя мы́слити на земли́. Иису́се, Ма́рфу
трудолю́бивую се́ уже́ второ́е на вёчеры
послужити Тебе́ удо́стоивый, приими́ мя́ на Твоё
служе́ние. Иису́се, Мари́ю, Бо́жиею любóвию
горя́щую, но́зи Твои́ ми́ром пома́зати
сподо́бивый, да́ждь ми́ ду́ха любве́ пламене́ние.
Иисусе́, Вифа́нию странноприя́тием Тя́ на
вёчеры зело́ возвесели́вый, возвесели́ мя́ посреде́
трудо́в отдохнове́нием. Иису́се, Ма́рфины слёзы
и Мари́ин пла́ч Ла́заревым возста́нием ско́ро
уте́шивый, уте́ши мя́ в ско́рбех Твои́м
посеще́нием, Иису́се, Ла́заря прёжде Твоея́
стра́сти из ме́ртвых воздви́гнувый, яви́ нам Своё
Воскресе́ние.

Конда́к 12

Благода́ть ве́лию дарова́л еси́, Христе́,
воскреше́нием Ла́заря благослове́нней

вифанийстей вѣси, восприявшей Тя. Наутрие сретают Тя в Иерусалиме крѣст, злохуленіе, и поношенія от злѣбных фарисѣй, завистию дышащих, здѣсь же Ты обрѣл еси прѣжде креста любовь, радость, и мир о Дусѣ Святе. Сего ради да будет Тебѣ похвала вѣчная, Вифаніе, яко Зиждителя страннопріяти сподобилася еси: благоуготовися, украси божественне твоя входы, расшири преддверія твоя, да и мы с тобою воспоем прославившему тя Господу: Аллилуиа.

И́кос 12

Поюще Твое из мѣртвых Лазарево воскрешеніе, поклоняемся величію дѣл Твоих, Христѣ, прославляем вседержительство Твое и крайнее снисхожденіе с неизреченным человеколюбіем Твоим и веруем с Марфою, яко воистину Ты еси Христос, Сын Божий, Иже в мир грядый, с Мариєю же приседем при ногѣ Твоею, внимающе единому на потребу Божественному Слову Твоему, и сподоби нас молитвами праведнаго Лазаря, друга Твоего, видети Твою свѣтлую над смѣртью побѣду, и живонѣсное Воскресеніе Твое вопиющим Тебѣ тако: Иисусе, а́да Победителю, с Лазарем Четверодне́вным из тьмы кромѣшныя грѣха

изведи́ мя. Иису́се, сме́рти Низложи́телю, с дру́гом Твои́м уме́ршим к жи́зни и воскресе́нию па́ки воззови́ мя. Иису́се, Ла́заря на о́строве Ки́пре от зло́бы фарисе́йския спасы́й, и́миже ве́си судьба́ми спаси́ мя. Иису́се, та́мо его́ от Апóстол во епи́скупа поста́вивый, от Це́ркви Твоея́ не отлучи́ мя. Иису́се, тому́же омофо́р рука́ма Богома́тери истка́нный вручи́вый, под кро́вом Ея́ сохрани́ мя. Иису́се, Ла́заря посеще́ния Пречи́стыя во дне́х плóти Ея́ удосто́ивый, То́я предста́тельства не лиш́и мя, Иису́се, Ла́заря пре́жде Твоея́ стра́сти из ме́ртвых воздви́гнувый, яви́ нам Своё Воскресе́ние.

Конда́к 13

О, Сладча́йший Иису́се, все́х Ра́досте, Све́те Ти́хий, Живóт ми́ра и Воскресе́ние на́ше! Приими́ от нас, я́коже от Ма́рфы и Мари́и сие́ ма́лое благодаре́ние на́ше о Воскреше́нии Ла́заря от всея́ души́ Тебе́ приносíme, и сотвори́ ны́ о́бщницы бы́ти того́ из грóба возста́ния, да всеси́льным Сло́вом Твои́м воздви́гнеши и нас от вся́каго паде́ния грехо́внаго и сме́рти ве́чныя, и сподо́биши ны́ получи́ти насле́дие неувяда́емое

на небесѣхъ, идѣже со всѣми святы́ми да воспоѣмъ Тебѣ: Аллилу́иа.

Этот конда́к чита́ется три́жды, затѣмъ и́кос 1-й и конда́к 1-й.

Моли́тва ко Го́споду Иису́су Христу́

Го́споди Иису́се Христе́, Бо́же, Спаси́телю нашъ, Неисчерпа́емая бездно́ю ми́лости, щедро́т и любве́, сме́рти и греха́ не сотвори́вый, и ещѣ в райъ определы́вый прароди́телемъ нашимъ вѣчныя и святы́я и блаже́нныя жи́зни прича́стницы бы́ти! Егда́ же по дѣйствию диа́волю, человекоуби́йцы искони́, еди́ном челове́комъ грѣхъ в ми́ръ вни́де и грехо́мъ сме́рть, тогда́ по неизрече́нному человеколю́бию Твоему́ Ты́ определи́л еси́ Кресто́мъ и Воскресе́ниемъ Свои́мъ свободи́ти согреши́вшия лю́ди Твои́ от про́пасти а́довы и сме́рти вѣчныя. И егда́ прии́де исполне́ние вре́менъ, Ты́ снисше́л еси́ во дне́хъ плоти́ Своея́, я́ко Па́стырь До́брый, на взыска́ние заблудши́х овецъ Твои́хъ, и пре́жде Креста́ Своего́ и во́льныя стра́сти в Вифа́нию прише́д, Ты́ еди́нымъ сло́вомъ Ла́заря, дру́га Твоего́, умерша́ и погребѣ́нна, воззва́в от а́да, из ме́ртвыхъ воскреси́л еси́. И та́ко ве́лиимъ симъ и

страшным чудом прежде живоносная смерти
Твоя смертную державу потряса еси,
предвозвещая четверодневного возстанием
скорое Твое, Живодавче Христе, тридневное из
мертвых Воскресение, нас всех уверил еси, яко
хощеши темнообразное адское царство
крепостию Своею сокрушить и общее
Воскресение всех явити, показуя Лазаря, яко
пакибытия нашего предначатие спасительное.
Сего ради и мы недостойнии с Марфою и
Мариею ныне да ликуем светло и с Вифанией да
торжествуем, безмерное Твое снисхождение
ныне празднующе и прослезением Твоим над
Лазарем будущее утление слез и смерти
умерщвление радостно предначинающе.
Сподоби же и всем нам душами чистыми и
нескверными умы, кратким же сердцем и
смирённым нравом, с Вифаниею Тебе, краткого
Владыку, прияти, и лукавого гордыню
сокрушить, и отверсти входы сердец наших, да
с верою, якоже Мария, помажем миром любви
пречистии нозе Твои, и со всеусердием многим,
яко же Марфа, послужим Тебе, вкушающе
Пречистое Тело и Самую Честную Кровь Твою на
таинственной Вечери Твоей, на нейже облязи с
нами и источи нам многоценное молитвы миро,

и слёзы покая́ния, и благоуха́ние целому́дрия и чистоты́, да тако́ благоукраше́ннии и просвеще́ннии, услы́шим глаше́ние Твое́: “Се стою́ при двéрех и толку́”, и по гла́су Твоему́ да отве́рзем двéри се́рдца и оби́тель сотвори́м Тебе́, вы́ну служа́ще Тебе́ и прославля́юще Тя́ со Безнача́льным Твои́м Отце́м и Пресвяты́м и Благи́м и Животворя́щим Твои́м Ду́хом, ны́не и при́сно, и во ве́ки веко́в. Ами́нь.

Моли́тва

свято́му пра́ведному Ла́зарю

О, зело́ предивный и изрядный друже Христо́в Святы́й Пра́ведный Ла́зарю, Вифа́нии похвало́ и все́й вселе́нней превели́кое удивле́ние! Благослове́н до́м тво́й, его́же Госпо́дь наш Иису́с Христо́с во днéх плóти Своея́ с любóвию посеща́ше, ви́дя ве́ру и добро́ту души́ твоея́ и боголюбивых сестёр твои́х Ма́рфы и Мари́и, занé ты возлюбил еси́ Его́ все́м се́рдцем твои́м, все́ю душе́ю твое́ю, все́ю мы́слию твое́ю и Те́м до конца́ возлю́блен бы́л еси́. Дивны́ тайны́ твоя́, на тебе́ Божéственным Дру́гом Твои́м и Го́сподом на́шим явлéнныя, я́ко изво́лися Ему́ прéжде Креста́ Своего́ и Воскресéния показáти на тебе́ все́му ми́ру Сла́ву Свою́ и сотвори́ти тя́

предвозвѣстника пресвѣтлаго Своего из мѣртвых триднѣвнаго Воскресѣнія. Сего ради Той, яко Владыка живота и смѣрти, попусти тебѣ смѣртным сном уснути, и погребѣну быти, и даже до адовых глубин снѣти, идеже ты узрѣл еси сущія от вѣка умершыя во мнѣжестве неисчетном адовыми узами содержимыя, и страшные страхи видел еси. И тамо, егда тѣло твоѣ возсмердѣнію смѣртному уже предадѣся, по четырёх днѣх ты услышал еси Божественный глас Друга твоего, на грѣб твой пришедшаго: “Лазаре, гряди вон!” И по гласу сему ты абие из грѣба возстал еси и тако Вифанію возвеселил еси и Марфины и Маріины слѣзы утоил еси, фарисеи же и книжники, в ожесточѣнии сердец сущих устрашил еси. Утоли же, святыи друже Христов, и наши слѣзы, грѣх ради наших проливаѣмьи, оживотвори наши души и телеса, в возсмердѣнии страстей и нечистот грѣховных сущи, воздвигни нас из грѣба отчаянія и лютаго унынія, всех же нас избави от вѣчныя смѣрти, якоже и тебѣ Господь наш возстави от успѣнія смѣртнаго. И умоли милостиваго Бога, да сподобит нас причащаницы быти вѣчныя жизни, еюже и ты по трудѣх святительства на островѣ Кипрѣ сам нынѣ наслаждаѣшися во

обі́телех райских, просла́вляюще Всесвято́е і́мя
Отца́ и Сы́на и Свята́го Ду́ха, ны́не и прі́сно и
во ве́ки веко́в. Ами́нь.



**ПОЛНЬІЙ
АКАФИСТНИК
КАНОНИЧЕСКІЙ**

**АКАФИСТЫ
КО ГОСПОДУ БОГУ
ПРЕСВЯТОЙ
БОГОРОДИЦЕ
АРХАНГЕЛАМ
И АНГЕЛАМ**

І

**НОВОЕ
* НЕБО**